



RASMI ... Musa semasa merasmikan Persidangan Sains dan Nutrisi Antarabangsa di Pacific Sutera Harbour Kota Kinabalu sambil diperhatikan oleh Naib Canselor, UMS Datuk Seri Prof. Dr Kamaruzaman Haji Ampon dan Presiden Kesatuan Makanan Sains dan Teknologi Antarabangsa, Prof. Dr Geoffrey Campbell-Platt.

NST 04-04-2012 2

# RM703 juta dilabur usahakan tanaman rumpai laut: Musa

**KOTA KINABALU:** Pelaburan komersil bagi mengusahakan rumpai laut di Sabah kini berjumlah RM703 juta yang menyediakn 13,000 pekerjaan, kata Ketua Menteri Datuk Seri Musa Aman.

Katanya ini dapat dicapai berikutan percambahan industri rumpai laut di pantai utara dan timur Sabah di mana airnya ideal bagi tanaman itu dan ia secara tradisinya dimakan oleh komuniti yang tinggal di bahagian pantai.

"Rumpai laut juga kini dikenal pasti sebagai komponen penting Bidang Ekonomi Utama Negara bagi pertanian," katanya semasa berucap merasmikan Persidangan Sains dan Nutrisi Antarabangsa di sini malam Selasa.

Musa berkata bioteknologi, yang diambang memacu arus seterusnya industri berasaskan pengetahuan, penting menangani keselamatan makanan dan kelaparan.

"Bioteknologi boleh digunakan bagi meningkatkan bekalan makan termampu yang selamat dan berzat," katanya.

Dalam hubungan itu, beliau berharap akan wujud lagi penemuan sains dan inovasi yang termasuk sektor bioteknologi bagi meningkat-

kan hasil tanaman dan meningkatkan sektor makanan.

"Aplikasi teknologi bioteknologi seperti kejuruteraan genetik dan fungsi genomik perlu digalakkan bagi menghasilkan produk agrobioteknologi yang meningkatkan produktiviti tanaman dan tenusu serta meningkatkan ciri ciri agronomik masing-masing," katanya.

Musa berkata penduduk setempat, termasuk di Sabah, telah membangunkan cara-cara mengawet daging menggunakan buah-buahan, tanpa menggunakan peti sejuk.

"Keunikan teknik pengawetan itu adalah hasil dapatan penduduk tempatan dengan memproses terlebih dahulu buah-buahan berkenaan sebelum digunakan pada daging," katanya.

Sehubungan itu, Musa berharap pengetahuan tradisi seperti itu akan dibawa ke tengah dan "satu cara melakukannya ialah untuk menggandingkan kaedah penyelidikan dengan tradisional."

Mengenai persidangan itu, Musa berharap ia akan menjadi platform penting membincangkan isu-isu sains dan nutrisi dan delegasi akan mengemukakan cadangan yang fokus pada keperluan pemprosesan semasa.



CENCERA HATI ... Musa (tengah) menerima cendera kenangan daripada Kamaruzaman.